

Siapakah Yesus Kristus? (Bahagian 1)

Berdasarkan bab 4 daripada buku *Apakah Sebenarnya Ajaran Bible?* yang terdapat di jw.org/ms.

TUJUAN: Tinjau apa yang anda percaya dan sebabnya, kaji apa yang diajarkan Bible, dan lihat bagaimana anda dapat menjelaskan kepercayaan anda kepada orang lain.



ADAKAH YESUS SEKADAR SEORANG LELAKI YANG BAIK?

1 TINJAU KEPERCAYAAN ANDA

Mengapakah sesetengah orang mungkin menjawab tidak?

Mengapakah sesetengah orang mungkin menjawab ya?

Apakah kepercayaan *anda*?

Mengapakah anda berkata begitu?

Adalah penting untuk mengetahui kebenaran tentang Yesus.


(Lihat buku *Ajaran Bible*, bab 4, perenggan 1-3.)

Baca Yohanes 17:3.

Menurut ayat ini, apakah manfaatnya jika kita “mengenal” Yesus dan Bapanya?

Baca Yohanes 14:6.

Sekiranya kita tidak mengetahui kebenaran tentang Yesus, bolehkah kita mendapat kehidupan kekal? Mengapa?



Sepertimana ciri-ciri dalam gambar dapat membantu anda mencari seseorang, nubuat Bible yang terperinci juga dapat membantu anda mengenal pasti identiti Mesias

Yesus diutus oleh Bapanya ke bumi untuk menjadi Mesias yang dijanjikan.

(Lihat buku *Ajaran Bible*, bab 4, perenggan 4-9.)

Baca Mikha 5:2 dan Matius 2:1, 3-6.

Bagaimanakah nubuat tentang Mesias yang dijanjikan menjadi kenyataan melalui kelahiran Yesus?

Baca Matius 3:16, 17 dan Yohanes 1:32-34.

Mengapakah Yohanes Pembaptis yakin bahawa Yesus diutus oleh Tuhan?

Apakah yang meyakinkan anda bahawa Yesus ialah Mesias yang dijanjikan?

3

JELASKAN KEPERCAYAAN ANDA

JIKA SESEORANG BERKATA...

Yesus cuma seorang lelaki baik yang pernah hidup pada zaman dahulu.

ANDA BOLEH MENJAWAB...

Saya setuju bahawa Yesus memang seorang yang baik. Tetapi saya percaya bahawa dia bukan sekadar baik kerana...

Apakah ayat Bible yang sesuai ditunjukkan kepadanya?

Bagaimanakah anda akan menjelaskan ayat itu kepadanya?

JIKA SESEORANG BERKATA...

Yesus bukanlah Mesias. Dia hanya melakukan sesuatu supaya *kelihatan* seperti Mesias.

ANDA BOLEH MENJAWAB...

Ramai orang mungkin setuju dengan pandangan tersebut. Tetapi terdapat perkara tertentu yang mustahil dikawal oleh Yesus, misalnya...

Apakah ayat Bible yang sesuai ditunjukkan kepadanya?

Bagaimanakah anda akan menjelaskan ayat itu kepadanya?
